

Vtraque vallis laudatissimorum velitum altrix, utraque suos habet montes in summitate, adeo uliginosos, ut equitibus sint omnino impervia; in quibus quod mireris, plures sunt lapidum strues admodum magnæ, *Laves* vocant, quas in memoriam occisorum olim aggestas credunt vicini. In utraque etiam plures sunt veterum castrorum ruinae. In *Tindale* sunt *Whitcheſter*, *Delaley*, *Tarſet*, olim *Comminiorum*. In altera *Rheadesdale* sunt

*Rochester*, *Greencheſter*, *Rutcheſter*, & alia nonnulla quorum antiqua nomina longi temporis injuria abſorpta latent. Verum cum ad *Rochester*, qui propius *Readi* fontes in caulis eminentia, quæ ſubſtratam regionem longe deſpectat (unde & novum hoc nomen deſumptum videatur) ara antiqua inter rudera vetuſti caſtri cum hac inſcriptione fuerit reperta :

Id eſt, Duplares Numeri exploratorum Bremenii Aram inſtituerunt Numini ejus Cæpione Charitimo Tribuno votum ſolverunt libentes merito.

D. R. S.  
DVPL. N. EXPLOR.  
BREMEN. ARAM.  
INSTITVERVNT  
NEIVS CCAEP  
CHARITINO TRIB  
V S L M

Bremenium.

Nonne hinc conjectemus BREMENIVM tanta indagine tam diu investigatum hic fuiſſe, cujus Ptolemæus in hoc ſitu meminit, & à quo Antoninus primum Britanniarum iter tanquam à limite exorditur? Limites autem Imperii erant maria, flumina majora, montes, terræ deſertæ & impervia, quales hoc in tractu; foſſæ etiam, muri, concædes, & imprimis caſtra ſuſpectioribus locis conſtructa, quorum hic fere continua extant veſtigia. Sane cum muro Antonini Pii in Scotia perrupto Barbari late vaſtarent, Muſſæque Hædriani neglectus jaceret ad Severi tempora, hic Romani imperii limitem conſtitutum exiſtimare liceat: & hinc Itinerarii vetus quod Antonini nomine circumfertur, exordium duxiſſe, utiq; *A Limite*. Quod autem adjicitur, id eſt *A Vallo*, à librariis eſt Gloſſema, cum BREMENIVM CXIII mill. paſſ. abſit à Vallo ad Septentriones; niſi ex agrariis videatur fuiſſe ſtationibus, quas modo dixi poſitas eſſe in ſolo barbarico ultra Vallu.

ad Meridiem milliaribus *Otterburn*, ubi inter Scotos & Anglos fortiffime pugnatum victoria huc illuc ter quaterve alternante & poſtremo ad Scotos: Henricus enim *Percy* ob præcipitatum juvenilis ardoris impetum agnomine *Whotſpur*, qui Anglos duxit, captivus erat abductus, mille quingentis è ſuis occiſis, & Guilielmus *Douglas* Dux Scotorum cum ſuorum plurimis deſideratus, ut nuſquam major utriuſque gentis bellica virtus emicuerit.

ad Otterburn. 1338.

Aliud antiquæ etiam memoriæ oppidum inferius alluit, imo fere jam eluit *Rheadus*, *Reſingham* hodie vocant, id eſt antiqua Anglorum & Germanorum lingua, *Gigantum habitatio*, ut *Riſingberg* in Germania *Mons Gigantum*. Magna & multa ibi vetuſtatis indicia, ferunt incolæ contra Soldanum quendam, id eſt Paganum principem Deum *Magon* hoc diu propugnâſſe; nec omnino vane. Ejuſmodi enim Deum hic cultum fuiſſe comprobant hæ duæ ibidem è flumine nuper extractæ aræ ſic inſcriptæ :

Riſingham.

Prælium

Ab antiquo BREMENIO vix quinque abeſt

Deo Mogonti Cadenorum & numini Domini noſtri Auguſti M. G. Secundinus Beneficiarius Conſulis Habitanci Primas tam pro ſe & ſuis poſuit. Primas.

D E O  
M O G O N T I C A D .  
E T N . D N A V G .  
M . G . S E C V N D I N V S  
B F . C O S . H A B I T A  
N C I P R I M A S T A  
P R O S E B T S V I S P O S V I T

D E O  
M O V N O C A D .  
I N V E N T V S D O  
V . S .

Ex harum priore quodammodo colligatur HABITANCVM loco fuiſſe nomen, & illum qui poſuit Beneficiarium fuiſſe Conſulis, locique Primatem. Præcipuos urbium, vicorum, & caſtello- rum magiſtratus *Primates* fuiſſe dictos è Theodoſii Codice ſatis ſuperque conſtat. An Deus

iſte fuerit Genius Topicus Gadenorum quos Otadaniſis proxime vicinos ſtatuit Ptolemæus nondum perſpicio, viderint alii. Repertæ etiam hic duæ hæ inſcriptiones quas ut alias C. L. V. Roberto *Cottono* de *Conington* Equiti aurato debemus, qui nuperime vidit & deſcripſit.

D. M.  
B L E S C I V S  
D I O V I C V S  
F I L I Æ  
S V Æ  
V I X S I T  
A N . I . E T  
D I E S X X I .

-----  
C V I P R Æ E S T . M  
P E R E G R I N I V S  
S V P E R T R I B .  
  
C O H . L V A N G  
F E C I T C V R A N T E  
I V L . P A V L O T R I B .  
S S S S S

D E